



Векало Яхъяс яздина хьалхара кехат

Векало Яхъяс яздинчу хьалхарчу кехатан коьрта ши Галашо ю. Цкъа-делахь, дешархой иракараХиттор — Делаца а, Дала леррина къобалвинчу Цуьнан КІантаца Ийсаца а уллора юкъаметтиг а йолуш, дахархьама. Ткъа, шолгІа-делахь, и юкъаметтиг йохо тарлучу харц хьехамашца лело цадзарг дІахьедар. И харц хьехам иштта бара: дерриг а вониг кху дуьненца йолчу уйраца доьзна хилча, Делан КІант волу Ийса адам хила баккъалла а йиш яцара. Харцхьехамчаша иштта олур: кІелхьардевлла хилар — иза кху дуьненахь долчу дахаран гІайгІанех паргІатдаьхна хилар ду. Кхин а хьохура: кІелхьардовлар доьзна дац цІеначу гІиллакхехь леларца я вовшашка болчу безамца.

Цу харцхьехамна дуьхьалдогІуш, яздархочо чІагІдо, Дала леррина къобалвина Ийса баккъалла а адам хилла хилар. Пул сов, цо хьоху, Ийсах а тешаш, Дела а везаш волу массо а вонийн везаш хила бохуш.

Дахар луш долу Дош

1 ¹Иза юьхьанца дуьйна долуш дара. Тхуна иза хаза а хезнера, тхан бІаьргашна иза ган а гинера. Тхо цуьнга хьовса а хьаьвсинера, тхан куьйгаш цунах Іотта а деллера. Иза дахар луш долу Дош дара. ²И дахар гучудаьлча, тхуна иза гира. Цундела цу бакъдолчу дахарх тоьшалла а до, кхайкхам а бо оха. И дахар стигаларчу Дегахь дара, ткъа хІинца тхуна довзийтина иза. ³Тхайна гиначух а, хезначух а лаяцна хаам бо оха шуьга. Оха и дуьйцу, шун а тхобца уьйр-марзо хилийтархьама. Ткъа тхан уьйр ю Деца а, Цо леррина къобалвинчу Цуьнан КІантаца Ийсаца а. ⁴ХІара яздо оха, вайн* казахетар кхоччуш дуьззина хилийтархьама.

* ^{1:4} Вайн — цхьадолчу тептарш тІехь: *шун*.

Дела — серло ю

⁵Тхуна Цуьнан КІантера хезна болу а, оха шуна дІакхайкхош болу а кхаь хІара бу: Дела — серло ю, Цуьнца цхьа а тайпа бода бац. ⁶Нагахь санна Делаца уьйр ю а бохуш, боданехь лелахь, вай аьшпаш а бутту, бакъдолчуьнца а ца лела. ⁷Амма, нагахь Дела серлонгахь ма-хиллара, вай а серлонгахь лелахь, вайн вовшашца уьйр ю, ткъа Цуьнан КІант волчу Ийсан цІийно вай массо а кїинойх цІандо.

⁸Нагахь санна вай ваьшца къа дац бахахь, тІаккха вай цу дешнашца ваьш Іехадо, вайца билггал долу бакъдерг а дац. ⁹Нагахь ваьш летийначу кїиношна вай даре дахь, Дала вайн кїиношна геч а дийр ду, дерриг а бакъдоцух вай цІан а дийр ду, хІунда аьлча Иза тешаме а, бакъ а ву. ¹⁰Амма вай ваьш кїинош ца летийна бахахь, тІаккха вай Дела харц а во, Цуьнан Дош вайца а дац.

Ийса ву вайна ГІудийриг

2 ¹Сан хьоме бераш, шуьга кїинош ца летадайтархьама яздо ас хІара кехат. Ткъа нагахь цхьаммо къа латадахь, стигаларчу Дена хьалха лаятташ волу ГІудийриг ву вайн: Дала леррина къобалвина Ийса — Делан лаамехь Верг. ²Иза вайн кїинош дІадахаран сагІа ду. Ткъа и сагІа, вайн кїиношна тІера тоьйна а ца Іаш, дуьнен чуьра массо а адамиин кїиношна тІера тоьар ду.

³Ткъа вайна Дела вевзина хиларан тоьшалла до вайна Цо тІедехкина парзаш вай лардаро. ⁴Шена Дела вевза а бохуш, парзаш лардеш воцург харцлуьйш а ву, цуьнца бакъдерг а дац. ⁵Ткъа Делан дош лардеш волчунна чохь Делан безам билггал буьззина бу. Вай билггал Делаца хиларан билгало иштта ю: ⁶шен Делаца уьйр ю бохург Ийса ма-леллара лела веза.

Керла парз

⁷Сан хьоменаш! Ас шуьга яздийриг керла парз дац — иза, баккъалла а аьлча, шира парз ду, юьхьанца дуьйна а шуна Дала делла долу. Шира парз — Дош ду, шуна хезна долу. ⁸ХІетте а аса яздийриг керла парз хета мега. Дала леррина Къобалвинчо а, аша а гойту иза бакъ хилар, хІунда аьлча бода дІаболу, ткъа билггал йолу серло хІинцале а къегаш ю.

⁹Ша серлонгахь лела а бохуш, ткъа шен динан веше цабезам берг хІинца а боданехь лела. ¹⁰Ткъа шен динан вежарий безаш верг серлонгахь Іаш ву — стаг галволуьйтуш дерг а дац цуьнца. ¹¹Амма шен динан ваша цавезарг боданехь ву. Иза боданехь лела гІерташ ву. Цунна шена а ца хаьа, ша мича воьду, хІунда аьлча цу бодано иза бІарзвина.

- ¹² Ас яздо шуьга, сан хьоме бераш,
Дала леррина Къобалвинчо динарг бахьана долуш шун
къиношна гечдина дела.
- ¹³ Ас яздо шуьга, дайшка,
юьхьанца дуьйна волуш Верг шуна вевза дела.
Ас яздо шуьга, къонахошка,
иблисал шу тоьлла дела.
- ¹⁴ Ас яздина шуьга, сан динан бераш,
стигалара Да шуна вевзина дела.
Ас яздина шуьга, дайшка,
юьхьанца дуьйна волуш Верг шуна вевзина дела.
Ас яздина шуьга, къонахошка,
шу доьналла долуш долу дела а,
Делан Дош шун даг чохь лаьтташ долу дела а,
иблисал шу тоьлла долу дела а.

¹⁵ ХIара дуьне а, цунна чохь мел дерг а ма дезалаш! Нагахь санна цхьаь хIара дуьне дезаш велахь, стигаларчу Ден безам цуьнца бац. ¹⁶ ХIара ду дуьнен чохь мел долу хIума: къилахь болу лаамаш хилар, адамийн цхьана хIуманна бIаьрган хьагам хилар, адамаша шайн долчух а, шаьш динчух а куралла яр. Ткъа стигалахь волчу Дегара дац уьш — кху дуьненара ма ду и дерриге а. ¹⁷ Дуьне а, дуьненан лаамаш а дIабевр бу, ткъа Делан лаам кхо-чущбеш мел волчун хедар доцу дахар ду.

Дала леррина Къобалвинчун мостагIа

¹⁸ Сан динан бераш! ХIара кху дуьненан тIаьхьара зама ю. Шуна хезне-ра, Дала леррина Къобалвинчунна дуьхьал верг вогIур ву аьлла. Ткъа хIинцале а дукха баьржина Дала леррина Къобалвинчунна дуьхьал берш. Цунах хаьа вайна, хIара билггал тIаьхьара зама юйла. ¹⁹ И дуьхьал берш, цкъа вайн гуламна юкьахь а хилла, хIинца вайна юкьара дIабевлла. Бакь-дерг аьлча, уьш цкъа а бацара вайна юкьабогIуш. Нагахь уьш билггал вайна юкьара хиллехьара, уьш вайца буьсур бара. Амма уьш вайна юкьа-ра дIабовларо гойту, царах цхьа а билггал вайна юкьабогIуш ца хилар.

²⁰ Ткъа шу Дала Вазвинчо къобалдина ду, цундела шуна массарна а бакьдерг хаьа. ²¹ Шуна билггал долу бакьдерг ца хаьа аьлла, ца яздо ас шуьга. Мелхо а, ас яздо шуьга, шуна и бакьдерг хаьа дела а, иштта цу бакь-долчуьнца цхьа а харцдерг доцийла шуна хаьа дела а.

²² Ткъа мила ву уггар харцIуьйриг? Иза ву Иийса Дала леррина Къобал-винарг хилар тIе ца лоцург. Иштта стаг Дала леррина Къобалвинчунна дуьхьал верг ву — стигалара Да а, Делан КIант а тIе ца лоцу цо. ²³ Делан КIант къобал ца вечу хIораммо а стигалара Да а къобал ца во. Ткъа Де-лан КIант къобалвечо стигалара Да а къобалво.

²⁴ Шайна юьхьанца дуьйна хезнарг даим а латтаде шайн даг чохь. На-гахь санна иза иштта хилахь, Делан КIантаца а, Цуьнан Деца а йолу шун уьйр даим а лаьттар ю. ²⁵ Ткъа Цо вайна лур ду аьлла ваIда ду: хедар доцу дахар.

²⁶ ХIара ас яздина шу ледан лууш болчарах лаьцна шуьга дIахьедан. ²⁷ Амма шу Делан КIанта къобалдина ду, ткъа иза шуьца дуьсу. Цундела шуна кхин хьехархо ца оьшу — цу къобалдаро шуна дерригенах лаьцна хьоьху. Ткъа иза харц дац — иза билггал бакьдерг ду. Иштта, Дала лерри-на Къобалвинчуьнца хила даим а, Цо шайна ма-хьехара.

²⁸ Иштта, сан хьоме бераш, кхидIа а хилалаш Цуьнца, Иза веанчу хе-нахь шаьш доьналла долуш хилийта а, Цунна хьалха шайна эхь ца хетий-та а. ²⁹ Нагахь шайна Иза Делан лаамехь Верг вуй хууш хилча, хаалаш, хIора Делан лаамехь лелаш верг Делах схьаваьлла вуйла а.

Делан бераш

З ¹ Хьовсийша, мел кIоргге дезна вай стигаларчу Дена. Вайх Делан бе-раш ду аллал боккха бу Цуьнан безам. Иштта, вай билггал Цуьнан бераш ду. Амма дуьненна вай ца девза, хIунда аьлча стигалара Да ца вев-зина цунна. ² Сан хьоменаш! ХIинца вай Делан бераш ду, амма кхул тIаь-хьа вайх муьлш хир ду цкъа хIинца а дIа ца делладелла вайна. Вайна хаьа, Дала леррина Къобалвинарг веанчу хенахь, вай а Цунах терра хир дуй, Иза Ша ма-варра вайна гун волу дела. ³ Иштта Цунах сатийсар долуш Iаш волчу хIораммо а ша цIанво, И санна цIена хилархьама.

⁴ Къинош летош мел верг Iеса лелаш ву, ткъа къинош летор Iесалла ду. ⁵ Шуна ма хаьа, Иза къинош* дIаэцархьама веана хилар. Ткъа Цуьн-ца шеца-м къинош дан а дац. ⁶ Цуьнца волчо цхьаммо а къа ца латадо. Ткъа къа латош болчех цхьанна а Иза ган а ца гина, Иза вовза а ца вевзина.

⁷ Сан хьоме бераш! Цхьаммо а нийсачу новкъа тIера шу дIа ма дохийла! Делан лаамехь лелаш верг — Делан лаамехь ву, Дала леррина Къобалви-нарг а Делан лаамехь ма-хиллара. ⁸ Къа латориг иблисах схьаваьлла, хIунда аьлча иблисо юьхьанца дуьйна а къа латадо. Цундела Делан КIант веана цу иблисан гIуллакахш дохорхьама.

⁹ Делах схьаваьлла волчо цхьаммо а къа ца латадо, Делан хIух схьа а ваьлла, шен амал Цуьнан амалх тера йолу дела. Ткъа ша Делах схьаваьлла хиларна, цуьнга къа ца латало. ¹⁰ Делан бераш а, иблисан бераш а вовшах иштта къастало. Делан лаамехь мел воцург а, шен динан ваша цавезарг а Делан бер дац.

* ^{3:5} Къинош — цхьадолчу тептарш тIехь: *вайн къинош*.

Вовшийн дезалаш

¹¹ Юьххьехь дуьйна а вайна кхайкхийна болу хаза кхаь вай вовшийн дезаш хила деза аьлла бу. ¹² Кхайм санна ма хилалаш, иза иблисан долахь а вара, цо шен ваша а вийра. Ткъа хIунда вийра цо иза? Шен гIуллакхаш зуламе хилла дела, ткъа цуьнан вешин гIуллакхаш Делан лаамехь долу гIуллакхаш хилла дела.

¹³ Динан вежарий, цец ма дийлалаш, нагахь дуьненна шаьш ца деза-лахь. ¹⁴ Вайна-м хаьа, ваьшна динан вежарий беза дела, вай, деллачуьра ден а делла, бакъдолчу дахаре девллийла. Ткъа шен ваша цавезарг хIин-ца а Южаллин карахь ву. ¹⁵ Шен динан ваша цавезарг адам дуьйш верг санна ву. Ткъа шуна-м хаьа, адам дуьйш долчу цхьана а адаман Делаца долу дахар ца хулийла. ¹⁶ Амма Иийсас вайн дуьхьа Шен са дIадалар бахьанехь, бевзина вайна безам. Вай а кийча хила деза вешан динан вежарийн дуьхьа са дIадала. ¹⁷ Нагахь цхьаннан, ша дика хьал долуш ве-хаш воллушехь, халла воллучу шен веше кьинхетам бацахь, тIаккха Де-лан безам муха хир бу цуьнца? ¹⁸ Сан хьоме бераш! Дашца а, маттаца а доцуш, гIуллакхца а, билггал долчу бакъдолчуьнца а дезийла вайна вовшийн.

Тединчу дегнашца Далла хьалха хилар

¹⁹ Иштта вайна хаа тарло, ваьш билггал бакъдолчух дуйла. Цундела Цунна хьалха вешан дегнаш тедан тарло вай, ²⁰ вешан дегнаша вайна кхел еш елахь а. Дела вайн дегнел а сов ву, Цунна дерриг а хаьа. ²¹ Сан хьоменаш! Нагахь санна вайн дегнаша ваьшна кхел еш ца хилча, Далла хьалха доьналла долуш хила таро ю вайн. ²² ТIаккха, Цуьнан весеташ кхо-чуш а деш, Делан лаамехь вай леларна, хIуьа а вай дехнарг лур ду Цо вай-на. ²³ Ткъа Делан весет ду: Цуьнан КIант волчу, Цо леррина кьобалвинчу Иийсан цIарах а тешаш, Цо вайна тIе ма-диллара, вайна вовшийн дезар. ²⁴ Делан весеташ кхочушдеш верг Делаца ву, Дела а ву цуьнца. Ткъа Иза вайца хилар вайна хаьа, Цо вайна деллачу Синехула.

Билггал бакъдолу Са а, адам тилош долу са а

4 ¹ Сан хьоменаш! Муьлх-муьлхачу а синах ма тешалаш, амма и си-нош таллалаш, уьш Делера дуй те а хьожуш. ХIунда аьлча дуьнен чохь дукха харцпайхамарш баьржина. ² Делан Са иштта кьасталур ду шуьга: Дала леррина кьобалвина Иийса, адам санна, веана хилар кьобал-до са — Делера ду. ³ Ткъа Иийса кьобалвеш доцу са — Делера дац, иза — Дала леррина Кьобалвинчунна дуьхьал волчун са ду. Шуна хезна, иза до-гIур ду аьлла, иза хIинцале а долуш а ду дуьнен чохь.

⁴ Сан хьоме бераш! Шу Делера ду. Шу тоьлла харцпайхамарел, хIунда аьлча шуьца Верг нуьцкъала ву кху дуьненахь олалла деш волчул. ⁵ Уьш кху дуьненара бу, цара а кху дуьненара болчара боххург боху, дуьнено ла а дугIу цаьрга. ⁶ Амма вай Делера ду. Дела шена вевзачо вайга ла а дугIу. Ткъа ша Делера воцучо вайга ла ца дугIу. Иштта кьастало вайга билггал бакъдолу са а, адам тилош долу са а.

Дела Ша — безам бу

⁷ Сан хьоменаш! Вай вовшийн дезийла, хIунда аьлча безам Делера бу. ХIора шеца безам болуш верг Делах схьаваьлла ву, цунна Дела а вевза. ⁸ Ше-ца безам боцучунна Дела ца вевза, хIунда аьлча Дела Ша а безам бу! ⁹ Дала Шен вайга болу безам гайтина, Шен цхьаь бен воцу КIант кху дуьнен чу а вайитина, Цуьнгахула вайн бакъдолу дахар хилийтархьама. ¹⁰ Бакъболу бе-зам иштта бу: вайна Дела везар бахьанехь а доцуш, амма Далла вай дезарна, Цо Шен КIант вайитира вайн кьинош дIадахаран сагIа санна.

¹¹ Сан хьоменаш! Далла вай оццул дукха дезаш хилча, вай вовшийн де-заш хила а деза. ¹² Дела цхьанна а, цкъа а гина вац. Амма вайна вовшийн дезаш хилча, Дела Ша а вайца ву, ткъа вайна чохь Цуьнан безам а билггал буьззина бу.

¹³ Вайн Делаца хилар а, Иза вайца хилар а вайна хаьа, Цо вайх Шен Синан декъашхой дина дела. ¹⁴ Ткъа вайна ган а гира, вай тоьшалла а до Дас Шен КIант дуьнен чуьра адамаш КIелхьардохург санна вайитина хи-ларх. ¹⁵ Нагахь цхьаммо Иийса Делан КIант хиларх тоьшалла дахь, цуьнца Дела а ву, ткъа иза Делаца а ву. ¹⁶ Ткъа вайна Делан ваьшга болу безам бовза а бевзина, вай цунах теша а тешна.

Дела Ша а безам бу. Безамца верг Делаца а ву, Дела цуьнца а ву. ¹⁷ Вайна чохь безам буьззина хилар иштта гучудолу: вай кьематан дийнахь доьналла долуш хир ду, вай кху дуьнен чохь Иза санна лела дела. ¹⁸ Безамца кхерам а бац. Ткъа буьззина бакъболчу безаммо кхерам дIатотту, хIунда аьлча кхерам гуттар а таIарца боьзна хуьлу. Кхоьруш волчун буьззина бакъболу безам бац.

¹⁹ Вайна Иза веза, дуьхьара Цунна ваьш дезна дела. ²⁰ Суна Дела веза а бохуш, ткъа шен динан ваша цавезарг аьшпаш буттуш ву. ХIунда аьлча шена дуьхьал лаьтташ волу шен динан ваша цавезачунна, шена гуш воцу Дела а везалур вац! ²¹ Цо вайна дитина долу весет иштта ду: «Дела везаш верг шен динан ваша а везаш хила веза».

Дуьненна тIехь болу толам

5 ¹ Иийса Дала леррина Кьобалвинарг хиларх тешаш волу хIора а Делах схьаваьлла ву. Ткъа динан бераш кхулуш волу Дела везачу хIоранна а Делах даьлла долу бераш а деза. ² Делан бераш вайна дезаш хилар вайна

^{3:11} Яхьяс 13:34. ^{3:12} Доладалар 4:8. ^{3:14} Яхьяс 5:24. ^{3:23} Яхьяс 13:34; 15:12, 17.

^{4:12} Яхьяс 1:18.

гойту, Дела а везаш, Цуьнан весеташ вай кхочушдаро. ³ХIунда аьлча Деле безам хилар — Делан весеташ кхочушдар ду. Ткъа Делан весеташ кхочушдан тIех хала а дац, ⁴хIунда аьлча ша Делах схьаваьлла мел волчо дуьненна тIехь толам боккху. Ткъа дуьненна тIехь баьккхина болу и толам вайн тешар бахъана долуш баьккхина бу. ⁵Ийса Делан КIант ву аьлла, тешаш волчо бен кхин хъан боккхур бара кху дуьненна тIехь толам?

Дала леррина кьобалвинчу Ийсах деш долу тоьшалла

⁶ХIара ву хица а, цIийца а Веанарг: Дала леррина кьобалвина Ийса. Иза хица веана а ца Iаш, амма хица а, цIийца а веана ву. Ткъа Делан Сино тоьшалла до цунах, хIунда аьлча Делан Са билггал долу бакьдерг ду. ⁷Кхо теш ву: ⁸Делан Са а, хи а, цIий а. Цу кхааммо а оцу цхъана хIуманах цхъатerra тоьшалла до. ⁹Вай теша адамаша дечу тоьшаллех, ткъа Делан тоьшалла дуккха а нуьцкъала ду. Дала Ша тоьшалла дина Шен КIантах лаьцна. ¹⁰Делан КIантах тешаш волчун и тоьшалла даг чохь ду. Ткъа ша Делах цатешачо Дела аьшпаш буттург во, хIунда аьлча иза Дала Шен КIантах аьллагху ца теша. ¹¹И тоьшалла иштта ду: Дала вайна хедар доцу дахар делла. Ткъа и бакьдолу дахар Цуьнан КIантаца ду. ¹²КIантаца уьйр йолчун бакьдолу дахар ду. Ткъа КIантаца уьйр йоцучун бакьдолу дахар дац.

Бакьдолу дахар

¹³Аса хIара яздина шуьга, Делан КIантах шу тешаш хиларна, шун бакьдолу дахар дуйла шуна дIахайтархъама. ¹⁴Иза бахъана долуш Далла хьалха доьналла долуш хила таро ю вайн. Нагахь вай Цуьнан лаамехь долу цхъа хIума Цуьнга дехахь, Цунна вай бохург дIахезар ду. ¹⁵Вай деххнарг хIуьа а Цунна дIахезаш хилар хууш хилча, вайна хаьа, доьхуш дерг вайн долуш дуйла.

¹⁶Нагахь цхъанна шен динан вашас валарна доцу къа латош гуш дехахь, тIаккха цо доIа дан деза. Ткъа Дала дахар лур ду цунна. Аса бохурш валаре далош доцу кьинош ду. Амма кьиношна юкъахь валаре далош долу къа а ду, цунна тIера деха ца боху аса. ¹⁷Муьлхха а харцдерг кьилахь ду. Амма валаре далош доцу кьинош а ду.

¹⁸Вайна хаьа, ша Делах схьаваьлла волчу цхъаммо а къа ца латадойла. Ткъа Делах схьаваьлла Волчо иза ларво — иблисе зе ца дало цунна.

¹⁹Вайна хаьа вай Делан долахь хилар а, дерриге а дуьне иблисан карахь хилар а.

²⁰Иштта вайна хаьа, Делан КIанта, ван а веана, кхетам ваьшна беллийла, билггал бакьволу Дела вайна вовзийтархъама. Ткъа вай, бакьволчу Делаца хилла а ца Iаш, Цо леррина кьобалвинчу Цуьнан КIантаца Ийсаца а ду. Иза ву билггал бакьволу Дела а, бакьдолу дахар а!

²¹Сан хьоме бераш! Цуйх ларделаш шаш.